

**ՏՐԱՆՍՊՈՐՏԱՅԻՆ ՄԻՋՈՑԻ ՎԱՐՉԱԿԱԼՈՒԹՅԱՆ ՊԱՅՄԱՆԱԳԻՐ**  
(ԿԱՌԱՎԱՐՄԱՆ ԵՎ ՏԵԽՆԻԿԱԿԱՆ ՇԱՀԱԳՈՐԾՄԱՆ  
ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՄԲ)

« \_\_\_\_\_ » \_\_\_\_\_ թ.

վայրը \_\_\_\_\_

կազմակերպության անվանումը կամ ֆիզիկական անձի ազգանունը, անունը, հասցեն, անձնագրի տվյալները  
այսուհետ՝ «Վարձատու», ի դեմս՝ \_\_\_\_\_, որը գործում է \_\_\_\_\_  
ազգանունը, անունը, պաշտոնը

հիման վրա, մի կողմից, և \_\_\_\_\_,  
կազմակերպության անվանումը կամ ֆիզիկական անձի ազգանունը, անունը, հասցեն, անձնագրի տվյալները  
այսուհետ՝ «Վարձակալ», ի դեմս՝ \_\_\_\_\_, որը գործում է \_\_\_\_\_  
ազգանունը, անունը, պաշտոնը

հիման վրա, մյուս կողմից, կնքեցին սույն պայմանագիրը հետևյալի մասին:

**1. Պայմանագրի առարկան**

1.1. Սույն պայմանագրով Վարձատուն վճարի դիմաց իրեն պատկանող տրանսպորտային միջոցը, այսուհետ՝ «Ավտոմեքենա», հանձնում է Վարձակալի ժամանակավոր տիրապետմանը և օգտագործմանը ու իր ուժերով ծառայություններ է մատուցում դրա կառավարման և տեխնիկական շահագործման համար:

**1.2. Ավտոմեքենայի բնութագիրը՝**

ա) մակնիշը՝ \_\_\_\_\_.

բ) թողարկման տարեթիվը՝ \_\_\_\_\_.

գ) գրանցման համարը՝ \_\_\_\_\_.

դ) գույնը՝ \_\_\_\_\_.

ե) շարժիչի համարը՝ \_\_\_\_\_.

զ) շասիի (ամրաշրջանակի) համարը՝ \_\_\_\_\_.

ը) թափքի համարը՝ \_\_\_\_\_.

1.3. Ավտոմեքենան Վարձատուին է պատկանում սեփականության իրավունքով, ինչը հաստատվում է \_\_\_\_\_:

փաստաթղթի անվանումը

1.4. Վարձատուն երաշխավորում է, որ Ավտոմեքենան վաճառված, գրավ դրված, ենթավարձակալության կամ անհատույց օգտագործման տրված կամ այլ կերպ ծանրաբեռնված չէ, դատական վեճի առարկա չէ, արգելանքի տակ չի գտնվում:

1.5. Վարձակալության հանձնված Ավտոմեքենայի նկատմամբ սեփականության իրավունքի փոխանցումն այլ անձի հիմք չէ սույն պայմանագիրը լուծարելու կամ փոփոխելու համար:

1.6. Անձնակազմի անդամները Վարձատուի աշխատողներն են: Նրանք ենթարկվում են Վարձակալի՝ Ավտոմեքենայի առևտրային շահագործմանը վերաբերող կարգադրություններին:

1.7. Ավտոմեքենան ժամանում է առավոտյան ժամը \_\_\_\_\_ - ին \_\_\_\_\_ հասցեով և գտնվում է Վարձակալի տրամադրության տակ մինչև ժամը \_\_\_\_\_ - ը: Ավտոմեքենայի ժամանման և վերադարձի մասին Վարձակալը ճանապարհային ուղեգրում կատարում է գրառումներ:

1.8. Բեռների փոխադրման ընթացքում վարորդին ուղեկցում է Վարձակալի պատասխանատու անձը: Վարորդը պարտավոր է աջակցել բեռնման և բեռնաթափման աշխատանքներին:

1.9. Տրանսպորտային միջոցի պահպանության և վերանորոգման բոլոր ծախսերը կատարում է Վարձատուն՝ բացառությամբ այն դեպքի, երբ ավտոմեքենայի վնասվածքը կամ անսարքությունն առաջացել է Վարձակալի մեղքով:

**2. Կողմերի իրավունքները և պարտականությունները**

2.1. Վարձատուն իրավունք ունի՝

2.1.1. Վարձակալից պահանջել Ավտոմեքենան օգտագործել սույն պայմանագրի պայմաններին և նշանակությանը համապատասխան.

2.1.2. Վարձակալի կողմից վարձը վճարելու ժամկետների էական խախտման դեպքում նրանից պահանջել մուծելու վարձավճարը.

2.1.3. եթե Վարձակալը Ավտոմեքենայից օգտվում է պայմանագրի պայմաններին կամ նշանակությանն անհամապատասխան, պահանջել լուծարելու պայմանագիրը և հատուցելու վնասները.

2.2. Վարձատուն պարտավոր է՝

2.2.1. \_\_\_\_\_ ժամը \_\_\_\_\_-ին, վարձակալին տրամադրել սույն պայմանագրի

նշել հաճախականությունը

1.1 կետով նշված Ավտոմեքենան:

2.2.2. սույն պայմանագրի գործողության ամբողջ ժամանակահատվածում վարձակալության հանձնված Ավտոմեքենան պահպանել պատշաճ վիճակում, ներառյալ՝ ընթացիկ և հիմնական վերանորոգումը, անհրաժեշտ պահեստամասերի տրամադրումը.

2.2.3. Տրանսպորտային միջոցի տեխնիկական անսարքության դեպքում, որը չի կարող վերացվել տեղում՝ վարորդի ուժերով, 2 (երկու) ժամվա ընթացքում փոխարինել համապատասխան մակնիշի այլ Ավտոմեքենայով: Այդ դեպքում 1.8 կետում նշված՝ վարորդի աշխատանքային ժամի ավարտը և Ավտոմեքենայի վերադարձի ժամը համապատասխան փոխվում են.

2.2.4. Մատուցել Ավտոմեքենայի վարման և տեխնիկական շահագործման ծառայություններ:

Մատուցված ծառայությունները պետք է ապահովեն Տրանսպորտային միջոցի բնականոն և անվտանգ շահագործումը:

Վարձատուն ինքնուրույն է որոշում վարորդներին, ինչպես նաև տեխնիկական շահագործումը իրականացնող անձանց:

Վարձատուն պարտավոր է այդ նպատակների համար տրամադրել անձանց, ովքեր ունեն անհրաժեշտ որակավորում և համապատասխանում են տվյալ տեսակի Ավտոմեքենայի շահագործման պարտադիր պահանջներին.

2.3. Վարձակալն իրավունք ունի՝

2.3.1. Վարձատուից պահանջել սույն պայմանագրի 1.8 կետում սահմանված ժամկետում իրեն տրամադրելու Ավտոմեքենան.

2.3.2. պահանջել Վարձատուից իրեն տրամադրելու Ավտոմեքենայի պատկանելիքները և փաստաթղթերը.

2.3.3. Ավտոմեքենայի օգտագործմանն ամբողջովին կամ մասնակիորեն խոչընդոտող թերություններ հայտնաբերելիս, իր ընտրությամբ՝

2.3.3.1. Վարձատուից պահանջել անհատույց վերացնելու Ավտոմեքենայի թերությունները կամ համաչափ իջեցնելու վարձավճարը կամ հատուցելու Ավտոմեքենայի թերությունները վերացնելու համար իր կատարած ծախսերը.

2.3.3.2. Վարձատուին նախապես տեղեկացնելով՝ վարձավճարից պահել տվյալ թերությունները վերացնելու համար իր կատարած ծախսերի գումարը.

2.3.3.3. պահանջել վաղաժամկետ լուծարելու պայմանագիրը.

2.3.4. պահանջել նվազեցնելու վարձավճարի չափը, եթե հանգամանքների ուժով, որոնց համար ինքը պատասխանատու չէ, Ավտոմեքենայի վիճակը վատթարացել է:

2.3.5. Վարձատուի կողմից սույն պայմանագրի 2.2.2 կետում նշված պարտականությունը չկատարելու դեպքում՝

2.3.5.1. կատարել սույն պայմանագրով նախատեսված կամ անհետսաձգելի անհրաժեշտություն համարել հիմնական վերանորոգումը և Վարձատուից պահանջել վերանորոգման արժեքը կամ դա հաշվարկել վարձավճարի հաշվին.

2.3.5.2. պահանջել համապատասխան չափով նվազեցնելու վարձավճարը.

2.3.5.3. պահանջել լուծարելու պայմանագիրը և հատուցելու վնասները.

2.4. Վարձակալը պարտավոր է՝

2.4.1. վարձավճարը Վարձատուին վճարել ժամանակին՝ սույն պայմանագրի 3- ըրդ կետով սահմանված կարգով և պայմաններով.

2.4.2. կատարել Ավտոմեքենայի առևտրային շահագործման հետ կապված ծախսերը, ներառյալ՝ վառելիքի և շահագործման ընթացքում օգտագործվող այլ նյութերի ծախսերը:

2.5. Վարձակալն իրավունք չունի, առանց Վարձատուի համաձայնության, Ավտոմեքենան հանձնել ենթավարձակալության.

2.6. Վարձակալը Ավտոմեքենայի առևտրային շահագործման շրջանակներում իրավունք ունի, առանց Վարձատուի համաձայնության, իր անունից երրորդ անձանց հետ կնքել փոխադրումների և այլ պայմանագրեր, եթե դրանք չեն հակասում Ավտոմեքենայի օգտագործման՝ սույն վարձակալության պայմանագրում նշված նպատակների և նշանակությանը:

**3. Հաշվարկների կարգը**

3.1. Վարձավճարի ամսական չափն, առանց ավելացված արժեքի հարկի, կազմում է \_\_\_\_\_ ( ) դրամ:

3.2. Նշված վճարը Վարձակալը վճարում է որպես կանխավճար՝ մեկ ամիս առաջ, յուրաքանչյուր ամսվա 5- ից ոչ ուշ:

3.3. Ավելացված արժեքի հարկի վճարը նշվում է առանձին տողով:

3.4. Ավտոմեքենան սույն պայմանագրի 1.8 կետում նշված ժամկետից ավել օգտագործելու դեպքում, Վարձակալը Վարձատուին յուրաքանչյուր ժամի համար լրացուցիչ վճարում է \_\_\_\_\_ ( ) դրամ՝ առանց ավելացված արժեքի հարկի:

3.5. Կողմերի միջև վերջնական հաշվարկները կատարվում են յուրաքանչյուր ամիսն ավարտվելուց հետո:

**4. Կողմերի պատասխանատվությունը**

4.1. Ավտոմեքենայի վնասման դեպքում Վարձակալը պարտավոր է հատուցել Վարձատուին հասցրած վնասները, եթե վերջինս ապացուցում է, որ Ավտոմեքենայի վնասվածքը տեղի է ունեցել այնպիսի հանգամանքներում, որոնց համար Վարձակալը պատասխանատու է օրենքին կամ վարձակալության պայմանագրին համապատասխան:

4.2. Երրորդ անձանց պատճառած վնասի համար պատասխանատվությունը կրում է Վարձատուն՝ օրենքով սահմանված կարգով:

4.3. Տրանսպորտային միջոցը 2 (երկու) ժամից ավելի չտրամադրելու դեպքում Վարձատուն ուշացման յուրաքանչյուր ժամի համար Վարձակալին վճարում է տուգանք՝ \_\_\_\_\_ ( ) դրամի չափով:

4.4. Վարձավճարի մուծումների կետանցի դեպքում Վարձակալը Վարձատուին վճարում է տուժավճար՝ վճարման ենթակա գումարի \_\_\_\_\_ տոկոսի չափով:

**5. Վեճերի լուծման կարգը**

Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումը հանձնվում է դատարանի քննությանը:

**6. Պայմանագրի վաղաժամկետ լուծարումը**

6.1. Վարձատուի պահանջով վարձակալության պայմանագիրը կարող է դատարանով վաղաժամկետ լուծարվել, եթե Վարձակալը՝

6.1.1. Ավտոմեքենան օգտագործել է սույն պայմանագրի պայմանների կամ նշանակության խախտումներով.

6.1.2. Էականորեն վատթարացել է Ավտոմեքենայի վիճակը.

6.1.3. սույն պայմանագրով սահմանված վճարման ժամկետը լրանալուց հետո երկու անգամից ավելի չի մուծել վարձավճարը:

6.2. Վարձակալի պահանջով սույն պայմանագիրը կարող է դատարանով վաղաժամկետ լուծարվել, եթե՝

6.2.1. Վարձատուն Վարձակալի օգտագործմանը չի տրամադրել Ավտոմեքենան կամ խոչընդոտներ է ստեղծել Ավտոմեքենան պայմանագրի պայմաններին կամ նշանակությանը համապատասխան օգտագործելու համար.

6.2.2. Վարձակալին հանձնված Ավտոմեքենան ունի դրա օգտագործմանը խոչընդոտող թերություններ, որոնց մասին Վարձատուն չի նշել պայմանագիրը կնքելիս, որոնք նախապես հայտնի չեն եղել Վարձակալին, և վերջինս պայմանագիրը կնքելիս չէր կարող հայտնաբերել:

6.2.3. Հանգամանքների բերումով, որոնց համար Վարձակալը պատասխանատու չէ, Ավտոմեքենան դարձել է

օգտագործման համար ոչ պիտանի:

**7. Անհաղթահարելի ուժի ազդեցությունը (ՖՈՐՄ-ՄԱԺՈՐ)**

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով սահմանված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծարել պայմանագիրը՝ այդ մասին նախապես տեղյակ պահելով մյուս կողմին:

**8. Պայմանագրի գործողության ժամկետը**

8.1. Սույն պայմանագրի գործողության ժամկետը սահմանվում է «\_\_» \_\_\_\_\_ \_\_\_\_ թ.-ից մինչև \_\_\_\_\_ թ.:

8.2. Սահմանված ժամկետն ավարտվելուց հետո պայմանագիրը կարող է երկարաձգվել կողմերի փոխադարձ համաձայնությամբ:

**9. Եզրափակիչ դրույթներ**

9.1. Սույն պայմանագիրը կնքված է հայերեն լեզվով, երկու օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

**10. Կողմերի հասցեները, բանկային վավերապայմանները և ստորագրությունները**

*Վարձատու*

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

ստորագրություն

*Վարձակալ*

\_\_\_\_\_

\_\_\_\_\_

\_\_\_\_\_

\_\_\_\_\_

\_\_\_\_\_

ստորագրություն